

Fasnacht 1960

«Die Abverheite»

Grindigsjohr: 1938
bis 1950 unterschlage

Vestibulum gugge bühlis almae matris basiliensis Uni-Wäbstube

Es hän scho um 's Johr dausig umme
Fraue am e Teppig gspunne.
Säll mole isch es gsi e Bricht
vo de Normanne ihrer Gschicht,
dä verzellt so nodinoh,
wie die sin no Aengland ko.

d'Akade-Migger-Fraue gehn zur Tat iber

Ellerli-Belleli ribedira, mer wänn au e son-n-e Teppia ha
Drum d'Basler Profässore-Fraue
au so-n-e Teppig anehaue.
Die aint macht schnäll e grosse Blätz
en andri macht's wieder uff -- 's sig lätz.
r.o. und o.Profaxe-Wybli
groote enand fascht under 's Hybli,
me isch au spitz fir heecheri Tittel
(wie miecht sich d'Räggterketti am Kittel?)
's passt aini uff, was die ander macht
griegt no-n-e Alb-Draum in der Nacht.
Das gitt miseel jo -- haidebritsch
d'Apokalypse uff baseldytisch.

inestäche, ummeschloh,
dureziesch und abeloh.

Was gseht me uff däm Haidnisch-Wärgg?

Knote, Knippel und Gartezwärg.
Es wimmlet nur vo edle Gschalte,
hubsche, wieschte, jung und alte.
's gitt Konterfey vo Koryphäe,
Attribute und Trophäe.
Me gseht druff und isch arg entsetzt,
wie der Nissen 's Mässer wetzt.
Näbedra isch uff der Pirsch
ganz wie gwohnt – der Staub-ig Hirsch.
Der Meria, der Probscht, d'Bernulle
alli die gsehsch gstiggt us Wulle
und der Schtairvch löchlet hold

denn är isch gstiggt us luuter Gold
«Tout Bâle» isch in dä Teppig gwobe
(derzue e Dotzed ächti Schwobe).
Die roti Iris, do bisch baff,
isch als Pendant zum Lang sim Aff.
Us bsunders digger, gäler Wulle
glänzt die Nobel-Fliege-Mulle,
's wärte Männli und der Stachus
danze als Sileen und Bacchus.
Basel's ganzi Prominänz
erwyst us Garn uns d'Referänz.

Mängsmole het me – nit gar gschiggt –
e grissene Fade zämmefliggt,
der Brächfritz duurt aim arg dert dure,
är het e Knippel in der Schnure.
Me gseht au ganz Verzärti Männer,
falsch gheeklet, gwobe, gschtriggt, was wänner.
Bim Ludi, d'Greessi vo sim Ohr
fascht im Format vom Eidophor
und handgschtriggt wie-n-e alte Sogge
luegt vom Erz Dep gar der Zschogge.
Im Chef-Boss vo de Gynaekologe
isch e Masche abefloge.
Bim Herr Räggtter magnificus
goht's fähl in Kettene und Schuss –
uusgrächnet bi der Jurisprudänz
isch im Teppig scho-ne Schlänz.
Bi aim Profax isch der Bart vergässe
oder scho vo de Schabe gfrässe.

Bref, fascht alli Fakulteete
hän e Fligg uff der Tapeete.
Lueg nit z'Lang, sunscht griegsch e Kater
ab däre Gschicht vo der alma Mater.

P.S Im Jubeljohr vom Comité
s' isch klar – do muesch d'Latärne gseh.
Drum roote mir Eich Bebbi – alle –
Spaziered am Zyschtig in d'Basler Halle.